



Integriteti i tekstit të ungjillit sipas Gjonit

Description

Helmut Koester

Fragment i shkëputur nga libri i autorit Helmut Koester me titull: "Ancient Christian Gospel, Trinity Press International, Pennsylvania 1990 Nuk duket seteksti i ungjillit sipas Gjonit, ashtu siç gjendet në dorëshkrimet më të vjetra, të jetë ruajtur në formën origjinale pa ndryshime. Gjoni 21, ndonëse ipërket një periudhe të hershme të transmetimit të tekstit, me siguri është një apendiks i mëvonshëm¹. Pas historisë së shfaqjes së Jezusit dishepujve dhe fjalëve të Jezusit drejtuar Thomait: "Sepse më ke parë, Thoma, ti ke besuar; lum ata që nuk kanë parë dhe kanë besuar!" (Gjoni 20:29), Gjoni 20:30-31 bën mbylljen e natyrshme të ungjillit²: "*Jezusi bëri edhe shumë shenja të tjera në prezencën e dishepujve të tij, të cilat nuk janë shkruar në këtë libër. Por këto gjëra janë shkruar që ju të besoni se Jezusi është Krishti, Biri i Perëndisë dhe që, duke besuar, ta keni jetën në emër të tij*". Gjoni 21 shton një shfaqje të Jezusit para dishepujve pranë Detit të Tiberiadës (21:1-14) fillimi i të cilës është transmetuar në mënyrë të pavarur në ungjilline Pjetrit.³ Kjo histori ka si qëllim të nisë një diskutim në lidhje me marrëdhënien e kishës së Gjonit me autoritetin e Pjetrit. Autoriteti kryesor i kishës për traditën në lidhje me Jezusin nën emrin e Pjetrit konfirmohet në këtë ngjarje përmes përsëritjes tre herë të pyetjes që Jezusi i bëri Pjetrit: "Simon nga Jona, a më do ti mua? dhe përmes kërkesës "*Kulloti qengjat e mi!*" (21:15-17). Po për sa i përket traditës së Gjonit? Ajo përfaqësohet nga "dishepulli që Jezusi e donte", i cili edhe ai po ashtu e donte Jezusin dhe rreth të cilit Pjetri pyeti: "*Zot, dhe me të ç`do të bëhet?*" (21:20-21). Përgjigjja e misterioze e Jezusit: "*Nëse dua që ai të mbetet derisa të vij unë, ç`të duhet? Ti ndiqmë!*" konfirmon të drejtën e ekzistencës së traditës së veçantë të dishepullit të preferuar. Kjonuk do të thotë se ai nuk do të vdiste; kjo është refuzuar në mënyrë të qartë (21:22-23). Ajonënkupton se tradita e Gjonit, veçanërisht ky ungjill i shkruar, ka vlerë të përhershme⁴. Kjo shprehë qartësisht kur struktura alegorike anashkalohet në pohimin që gjendet tek Gjoni 21:24

"Ky është dishepulli që dëshmon për këto gjëra dhe që ka shkruar këto gjëra; dhe ne dimë se dëshmia e tij është e vërtetë".

Gjoni 21:25, i referohet sërish shumë gjërave të tjera të cilat Jezusi kishte bërë por që nuk ishin përmendur në ungjill, në këtë mënyrë autori i këtij apendiksi imiton mbylljen origjinale të ungjillit.

Autori i cili i ka shtuar kapitullin 21 ungjillit të Gjonit mund të jetë gjithashtu përgjegjës edhe për disa shtesa të tjera përgjatë kapitujve 1-20. Një ngakëto pasazhe të redaktuara është qartësisht Gjoni 6:51b-59⁵. Diskutimi fillestarë në lidhje me bukën që kishte ardhur prej qielli përfundon tek Gjoni 6:51a me pohimin e Jezusit, "*Kjo është buka që zbret nga qielli, që një mund të hajë e të mos vdesë*". Vazhdimi i kësaj thënieje vazhdon tek Gjoni 6:60-62: dishepujt e shihnin këtë pohim si një "thënie të vështirë", Jezusi iu përgjigj: "*Ç`do të ishte po ta shihnit, pra, Birin e njeriut duke u ngjitur atje ku ishte më parë?*". 'Thënia e vështirë', pra, ishte pohimi i Jezusit se ai kishte ardhur prej qiellit, por nuk është kështu me përmbajtjen e verseteve tëndërfutura të cilat theksojnë ngrënien përnjëmend të mishit të Jezusit dhe pirjen e gjakut të tij. Ndërfutja është bërë në mënyrë që të theksojë ngrënien sakramentale dhe pirjen e mishit dhe gjakut të Jezusit.

Versetet e mëposhtme Gjoni 5:27b-29; 6:39b, 40b, 44b, të cilat paraqesin një vështrim realist (trupor) të ringjalljes në Ditën e fundit, i përket gjithashtu këtij fenomeni redaksional.⁶ Tek Gjoni 5:24-27a pohohet qartësisht se ato të cilët besojnë në Jezusin kanë jetën e përjetshme dhe nuk do të paraqiten para Gjyqimit, dhe se tani është ora: "*kur të vdekurit do të dëgjojnë zërin e Birit të Perëndisë, dhe ata që e kanë dëgjuar do të jetojnë*". Gjoni 5:28-29 e cilëson këtë pohim duke futur një këndvështrim më tradicional të eskatologjisë⁷:

Mos u mrekulloni për këtë, sepse po vjen ora kur të gjithë ata që janë në varre do ta dëgjojnë zërin e tij dhe do të dalin prej tyre; ata që kanë bërë të mira, në ringjallje të jetës, dhe ata që kanë bërë të liga, në ringjalljen e dënimit.

Date Created

16/10/2014

Author

erasmusi